

西北史地文獻

第十四卷

中國西北文獻叢書



中國西北文獻叢書·第三輯

西北史地文獻

第十四卷



PDF

欽定平定

回匪方略

四

欽定平定回匪方略
四

欽定平定回匪方略
PDG

編者說明

本卷輯錄了清代乾隆年間出版的《欽定平定陝甘新疆回匪方略》，該書反映了清朝政府推行民族壓迫、民族歧視政策，鎮壓回民起義的官方史料。讀者可以通過這些史料，了解和研究當時的歷史情況，便於作出自己正確的結論。

欽定平定陝甘新疆回匪方略目錄

卷一百六十一至卷一百六十五

同治六年十月丙戌至七年正月丁巳

卷一百六十六至卷一百七十

同治七年正月丁卯至三月癸酉

卷一百七十一至卷一百七十五

同治七年三月甲戌至閏四月乙丑

平定甘肅回匪方略目錄

一

卷一百七十六至卷一百八十

同治七年閏四月戊辰至七月戊戌

卷一百八十一至卷一百八十五

同治七年七月辛丑至十一月丙子

卷一百八十六至卷一百九十

同治七年十一月壬午至八年二月戊申

卷一百九十一至卷一百九十五

同治八年二月庚戌至五月己丑

卷一百九十六至卷二百

同治八年五月辛卯至九月庚午

卷二百一至卷二百五

同治八年九月甲戌至十月癸亥

卷二百六至卷二百十

同治八年十月甲子至九年正月己卯

平定甘肅回匪方略目錄

二

卷二百十一至卷二百十五

同治九年正月壬午至二月丙寅

欽定平定陝甘新疆回匪方略卷一百六十一 丁卯年

十月初七日 丙戌 左宗棠喬松年奏言八月初二

初三等日有馬賊二千餘人步賊七八百人蜂

擁而來直撲甯條梁遊擊蕭明發督隊轟擊馬

賊從東南巷衝入焚殺掙搶副都統敦奇祥阿

不能抵禦蕭明發所部受傷甚多遣人求援於

敦奇祥阿該副都統並不往救幸副都統薩斌

圖率領馬步各隊馳來接應蕭明發與之合隊

衝擊賊始敗退初四日該逆復來撲營蕭明發

率勇抵禦正接仗閒駐紮安邊之參領托雲布

聞警馳來同薩斌圖各率馬隊併力截擊殲賊

多名追殺十餘里始行收隊初七八等日復有

另股賊匪竄擾米脂龐家山一帶並攻撲榆林

縣城知縣張守基督團守禦賊知有備未敢進

逼初九至十五等日該匪疊次來撲經遊擊楊

樹棠等帶兵會剿逆衆敗逃竄至懷遠縣境適

已革遊擊李元芳帶隊行抵魚阿堡與該縣知

縣劉昌蕃督率鄉勇將賊匪擊退二十七日有

賊千餘竄至石雲坪等處經團紳劉方軌等率

領團勇前後夾擊斃賊數百奪獲牲畜器械無

算 查攻撲米脂榆林之賊均由甘肅而來蹤

迹飄忽幸皆無甚伎倆地方文武若能憑城固

守將弁盡力剿截不難就地殲除甯條梁之變

亦係土匪潰勇勾通回匪僅止劫掠並未盤踞

旋即擊退該處地方現有官軍鎮壓當無他虞

左宗棠喬松年又奏言記名提督劉厚基於八

月二十四二十五等日在中湖黃等處大挫逆

回擒斬甚衆訊據生擒回匪供稱此次由甘肅

甯州竄來回逆共有兩股其由中部縣境渡河
竄擾之賊係馮正剛爲首已被官軍擊敗另股
孫阿潭所帶現由楊家店等處竄犯宜君劉厚
基訊明後即拔隊進援宜君二十六日行至中
途聞宜君縣城已於二十五日被賊闖入知縣
張杰遇害該逆偵知官軍將至旋即退回甯州
老巢劉厚基於二十七日馳抵縣城查詢失陷
之故實因大雨兼旬城垣圯圯多處勇首郭大
順暗通回逆由缺口引賊入城接掠財物旋即
遁走劉厚基派撥營勇駐守縣城並捕治叛勇
臣查此次宜君縣城失守知縣張杰死事慘烈
仰懇

天恩飭部照例議卹署宜君營參將都司秀順嬰城固
守身受刀矛重傷二十餘處比劉厚基馳至該

員尙在北門城樓實與尋常營員失守迥異應
請

旨革職暫留署任奏入

上命軍機大臣傳諭左宗棠喬松年曰甯條梁被賊攻
撲闖入街巷敦奇祥阿不能抵禦蕭明發請援時又
不能救經薩斌圖等奮力衝擊賊始敗退米脂榆林
撲城之賊雖經陝省兵勇擊退惟北路餘匪尙未殄
盡左宗棠等當督飭地方文武實力殲除不可稍存
大意宜君城垣於失守後經劉厚基馳往收復惟陷
城之賊並未被剿先期遁歸甯州難保不去而復來
著左宗棠喬松年分派兵勇於鄰延交界一帶嚴密
扼截毋任回竄宜君縣知縣張杰臨難捐軀殊堪憫
憫著交部議卹都司秀順被傷甚重著革職留營免
其議罪

同日穆圖善奏言八月十五至十八等日河州東鄉回匪糾集悍黨由東崗山梁焦家灣阿千鎮等處分路攻撲省垣臣當卽飛調提督彭忠國彭楚漢等各領所部星夜前來以資夾擊臣親率副都統善山保等所部馬隊及督標等營官兵出城堵剿乃東崗山梁股匪膽敢迎戰勢甚兇狂提督周保和奮勇直前手刃騎馬悍賊

平定回疆方略卷一百一十五

十餘名不意賊騎過多被其包裹力竭捐軀參將常泰護遊擊守備呂松堯千總徐茂春武舉蔣潤往來衝突格鬪多時亦先後受傷陣亡兵勇拚死力戰槍礮並施擊斃悍賊百餘名賊勢稍退而焦家灣阿千鎮等處之賊又復漫山遍野而來直撲南關節經安字右營營官雷震雲等督飭勇丁奮力迎擊逆屍枕藉總兵彭文林

因西南四墩地方緊逼西關爲該逆所占急欲奪此險隘遂率勇由頭二墩節節爬越猝中賊槍受傷甚重猶復裏創追殺急呼士卒先登詎該匪回身轉戰將彭文林亂矛攢刺登時陣亡遊擊戴得勝都司何正笏守備王義春千總羅桂枝均歿於陣我軍幾至挫敗幸河州鎮左營營官胡克勝等率勇合力堵擊斬殺甚衆匪始

平定回疆方略卷一百一十六

敗回十九二十等日該匪復糾集死黨分股圍攻東南兩門營官胡克勝等督勇在南園教場一帶屢次接仗獲勝殲賊不下二千餘名生擒十餘名淹斃者不計其數賊勢窮蹙卽於二十日夜間潛由南山遁逃我軍尾追數十里沿途斬殺甚多省城之圍立解查此次該逆猝臨城下兇饒狡獪幸賴文武各官協力同心危域得

以保全惟該匪數萬未能一律殲除臣焦憤之餘實深愧慙昨已飛飭駐紮甯安堡之親兵衛隊各營趕緊拔隊來省以厚兵力而張撻伐此次打仗出力之總兵彭楚漢等仰懇

天恩分別獎勵陣亡各員請

旨交部從優議卹

穆圖善又奏言現在大兵將次西進東北重地

平定縣志卷之二十一

不可不先事妥籌臣昨將駐紮甯安堡等營調

令進省而鹽茶固原花馬池以及甯靈一帶不

免空虛臣所部馬隊數本無多實屬不敷攻剿

查西安將軍庫克吉泰現已到任其部下馬隊

一千餘名素稱驍捷臣擬將該將軍馬隊派員

帶由陝西北山會同派赴延安之總兵胡世英

直達甯安堡以厚兵力合無仰懇

天恩飭下庫克吉泰喬松年即將馬隊催令來甘交臣

調遣一俟甘省軍務稍鬆卽以此起馬隊移歸

成祿統帶出關抑臣更有請者固原提督雷正

綰前奉

命幫辦軍務卓著戰功嗣因事未順手經劉蓉楊岳斌

等交章彈劾自此權分力薄遇事不無掣肘之

虞臣與雷正綰前在多隆阿軍營共事之時見

平定縣志卷之二十二

其智勇兼優爲士卒所敬服擬將雷正綰咨調

來省面爲察看如果始終振作似不妨稍假事

權俾得及時自奮

穆圖善又奏言據參將范銘稟稱洮州舊城並

千家寨太平寨長喇嘛川等處回目震懾軍威

具稟乞撫由該參將取具甘結開造戶口清冊

齎呈覈辦前來臣檢閱各該回目原稟情詞懇

摺尙非詭言乞撫冊內丁口總計不過三千餘人婦女幼孩居其大半且器械馬匹均已呈繳並縛獻首惡丁扎扎一名似可信其真心投誠惟回弁丁永安係奉

旨拏辦之犯茲據范銘稟稱該弁尙無爲逆實迹且保全漢民甚多是否屬實臣仍當確切查明秉公覈辦並批飭范銘將城內漢回妥爲彈壓嚴防

平定回疆方略卷一百六十一 九

外寇煽惑一面密拏逆首馬芳等訊明正法至范銘一軍自入洮州以來攻城奪堡擊退大股悍逆先後擒斬甚多戰功卓著此次收撫各處降回辦理亦甚妥速合無仰懇

天恩將副將銜儘先參將范銘免補參將以副將儘先補用並

賞加總兵銜以示鼓勵

穆圖善又奏言甘肅蘭州道豫師上年在靜甯州籌辦軍糧頗資得力自委赴秦安辦理楚軍行營糧臺勤慎從公於收發一切毫無貽誤洵屬力顧大局自未便沒其微勞其前署平慶涇道任內所屬隆德平涼失守該道督勇派團隨軍攻克功過亦足相抵可否仰懇

天恩將該員應得處分免其查議並

平定回疆方略卷一百六十一 十

賞加布政使銜又甘涼道張瑞珍前在鞏秦階道任內因所屬鞏昌府失陷經吏部議以降調臣查該員才具練達辦事素稱認真此次參將范銘帶兵赴洮該員調兵集團隨同助戰代製軍械俾利進攻現在委辦安插李得倉等股降回收撫十餘萬之衆諸臻妥協覈其歷次勞績似未便因過掩功可否仰懇

天恩將該員開復降調處分仍以道員留於甘肅補用

奏八

上命軍機大臣傳諭穆圖善曰河州東鄉回匪膽敢糾眾撲犯省垣經穆圖善督飭文武各員將賊擊退該匪勢尙囑張亟須厚集兵力早日翦除方免心腹之患現在穆圖善抽調各營分路進取著卽妥速調度迅殄逆氛陣亡之記名總兵彭文林記名提督周保

平定回疆方略卷一百一

十一

和均著交部照提督陣亡例從優議卹參將常泰護遊擊守備呂松堯千總徐茂春武舉蔣潤遊擊戴得勝都司何正笏守備王義春千總羅桂枝均著交部分別從優議卹其彭楚漢等各員著暫行存記俟續立功績再行奏請獎勵甘省匪熾兵單自係實在情形惟陝省勦辦擒逆正須馬隊與之角逐勢難分撥來甘東北重地不可空虛著嚴檄延安一帶防軍就

六

現有兵力認真防剿不可大意胡世英是否可恃並著查明妥籌調遣毋得稍涉遷就甯州賊匪竄陷陝省宜君等處經陝軍擊退回巢著穆圖善飭令甘軍盡力勦洗毋令再竄陝境雷正綰現調來省卽著留心察看如果堪備任使再行奏明請旨洮州回民投誠若非詭詞乞撫自不妨予以自新穆圖善當確切查辦不可墮其術中參將范銘著暫行存記俟辦有成效再行請獎回弁丁永安曾否爲逆仍著穆圖善確切查明秉公覈辦道員豫師應得處分著免其查議毋庸再加布政使銜張瑞珍著開復降調處分仍以道員留於甘肅補用本日據左宗棠等奏賊擾甯條梁副都統敦敦奇祥阿不肯分兵禦賊經薩斌圖與肅明發合隊始行擊退著穆圖善將該員等功過覈實確查分別奏明辦理

平定回疆方略卷一百一

十三

穆圖善又奏言此次賊匪撲犯省垣臣邊派已革河州鎮總兵李助發專管礮位自十六至二十日每遇賊匪撲城該革員卽開礮轟擊斃賊極多追賊匪宵遁李助發復隨同大軍追殺悍逆數名查該革員從前帶兵勦賊疊著戰功嗣在紅土窩地方接仗失利經楊岳斌奏奉

旨革職永不敘用此次守城擊賊著有勳勞且該革員

平定回疆方略卷一百一十一

十三

年力正強亟思勉贖前愆力圖報稱合無仰懇

天恩俯准將李助發撤銷永不敘用字樣仍革職留營以觀後效奏入

上從之

穆圖善又奏言同治二年八月開平涼府城失陷教諭王汝揆投緹自盡業經前任陝甘總督楊岳斌具奏部臣照殉難例議卹臣查該教諭

死事情節實非尋常殉難可比當陝賊未至之

時豫料賊所必由之路上市平慶涇道請扼險

堵擊及賊已入境復面稟平涼府知府請盡拆

附近民房被圍既久又請督勇夜出俱爲異議

所阻既而賊果由該故員所料之路竄入就城

外民房掘挖地道郡城之陷卒由於此平涼士

民僉謂早從其言此城必不至破當賊匪圍城

平定回疆方略卷一百一十一

十四

之時該故員躬率生徒晝夜登陴城陷之日自

縊於大成殿鐘架上闔家同時殉節臣查教諭

王汝揆矢志禦賊力竭捐軀臨難從容忠烈出

於至性若僅照尋常殉難議卹似不足以示旌

表已故平涼縣教諭王汝揆可否仰懇

天恩飭部改照陣亡例從優議卹之處出自

逾格鴻慈奏入

上從之

穆圖善又奏言已革總兵陳義前因勇丁潰散該員未能彈壓經前督臣楊岳斌奏參革職被參之後深自愧奮隨同勦辦華亭等處竄賊並解鎮原城圍收復平涼府縣城池攻毀洪河一帶賊巢摧堅陷銳每戰必先嗣因進攻焦村等處賊卡身受重傷且於糧餉奇絀之時設法撫慰飢卒奮勉圖功實屬異常出力合無仰懇

平定回疆方略卷一百一十五

天恩將已革提督銜記名總兵晉勇巴圖魯陳義開復

原官原銜勇號以昭激勸奏入得

旨陳義著開復總兵原官其提督銜勇號俟再有勞績

時請旨

二十日己亥伊勒屯奏言哈密現無大員鎮撫一

切事宜無所統屬而文麟仍無抵哈確信合再

請

旨嚴催文麟迅即赴任以專責成奏入

上命軍機大臣傳諭穆圖善成祿文麟景廉曰文麟自簡放以來催令赴任不啻至再至三乃竟百端藉口堅不肯前不知是何居心著即剋期進發不准片刻逗留儻敢仍前玩忽必治以應得之罪並著成祿查明文麟行抵何處飛速咨催若再遷延即著奏聞懲辦成祿圍攻肅州愈久愈疲似此泄沓從事何日是出關之期著趕緊整頓士馬迅將肅城攻拔振旅出關與文麟聯絡以壯聲勢景廉是否啟行前經諭令穆圖善飭赴新任著景廉迅即赴哈密接印任事以重職守毋得遲延干咎穆圖善亦不准藉端奏留再行瀆請

平定回疆方略卷一百一十六

伊勒屯又奏言巴城滿營官員數年以來並未

支領俸銀各官員等鞍馬衣履之費均屬不敷
臣不得已從軍餉內提出銀一千三百餘兩藉
資散放內除臣暫借一年俸銀一百五十五兩
外其餘同城各官按照每年應領俸銀發給一
半下餘銀兩皆接濟兵丁及歸還商鋪借款現
在並無庫存銀兩節交冬令兵丁飢寒交迫前
奉

平定縣志卷之二十一 七

諭旨飭撥巴城月餉仍未解到臣一面備文咨催綏遠

城將軍一面派員赴烏里雅蘇台請領若此時

巴城月餉銀兩尚未解到烏城懇

恩飭下麟興李雲麟無論何款先籌一二萬兩撥給巴

城藉資接濟奏入

上命軍機大臣傳諭麟興李雲麟曰巴里坤餉需久缺
現在節屆冬季兵丁飢寒交迫待餉尤殷著麟興李

雲麟將應撥該城月餉源源趕解如此時尚未撥到
卽著麟興等無論何款先行撥給銀一二萬兩以濟
急需

二十三日壬寅成祿奏言王仁和一軍進紮北岸

頭地方黃祖淦所部各營向東移紮聲勢卽可
聯絡合圍亦漸周而七月二十一日臣令黃祖

淦挑選一營扼紮水磨溝距北門僅一里爲逆

平定縣志卷之二十一 六

衆東北出入咽喉該逆見我軍紮營悉衆出巢

塵戰我軍營壘旣成該逆計無可施紛紛敗退

入城該逆見東北兩面我軍布置周而己無出

路勢將坐困屢次出城蜂擁來撲幸我軍日夜

防維尙無失挫王仁和黃祖淦兩軍自歸併後

亦各協力同心計自六月望後至八月初旬大

小不下二十餘戰共斃賊二千餘名我軍先後

陣亡弁勇二十餘人受槍礮傷者二百餘名惟是臣軍自正月迄今僅收到四川餉銀一萬四千兩各營兵勇月餉無款給發仰懇

天恩飭催四川督臣將前撥之十萬兩趕為撥解以濟

飢軍陣亡之擬保參將都司匡茂通等應請

飭部從優議卹用慰忠魂奏入

上命軍機大臣傳諭穆圖善成祿曰新疆到處糜爛急

平定回疆方略卷一百一十一 九

盼大枝勁旅早日出關為各路聲援疊次催令成祿攻拔肅州剋日出關乃該提督忽稱合圍忽稱兵單糧絀百端藉口希圖宕延此次又稱合圍周而王仁和黃祖淦等軍同心殺賊果如所奏肅州可有克復之機著卽嚴督各將士銳意進取迅速攻拔整頓出關儻再事遷延定將成祿等重治其罪前諭四川先籌銀十萬兩限兩月解到成祿軍營現在解到之銀

為數甚屬寥寥著該部嚴催略乘章趕為撥解以濟飢軍先後陣亡之擬保參將都司匡茂通擬保千總五品軍功梁鼎吉把總趙雲青陳魁均著交部從優議卹

成祿又奏言臣於八月間挑選二營派已革哈

密協副將凌祥帶領出關徑赴哈密會同駐防

哈密之千總芮林等先將漢回兩城防守事宜

平定回疆方略卷一百一十二 十

趕為布置以防西路回逆竄犯文華統帶馬步六營於八月初開由金塔繞道花海子出關已抵玉門料理裹帶車駝等項不日即可西進至敦煌縣應撥巴城糧石現據該縣稟報業經撥過六千石交巴城守催委員陸續起運其未撥之九千石現值秋禾登場應由臣嚴催該縣趕緊撥運

成祿又奏言據參領雙興來營稟稱奉調隨帶
弁兵十九員名運解炸子火箭等件行抵甘省
安定縣洪銅窰地方因回匪肆擾不能前進適
督臣楊岳斌行抵安定該參領謁稟情形當奉
楊岳斌面諭將火箭炸子分交安定隴西兩縣
寄存飭令該參領帶領弁兵就近赴秦州設局
製造火藥該參領當派札普善布雙保在彼看

平定縣志卷一百六十二

三

守及隴西安定兩縣先後失守火箭炸子遺失
無存札普善布雙保二人至今尙無下落稟請
嚴拿治罪等情竊思此項軍火係奉

旨撥解之件該參領擅聽楊岳斌之言徑赴秦州造藥
以致全行遺失實屬罪無可追應請

旨飭部嚴加議處以昭炯戒奏入均報

圖

欽定平定陝甘新疆回匪方略卷一百六十二 丁卯年

十月二十四日 癸卯 穆圖善奏言准左宗棠咨稱

陝西偏地賊蹤餉需無措藩司林之望於甘省
軍情賊勢兵勇數目及征兵駐紮處所地方實
在情形並無一字稟報徒欲與陝西爭餉現在
入關伊始陝事孔棘前催甘餉甫經陳丕業轉
解二十餘萬甘省得此鉅款當可敷衍且俟陝
省軍務稍有頭緒再爲籌畫等語查陳丕業轉
解之二十餘萬兩早已支銷罄盡今左宗棠必
待陝西軍務稍有頭緒再爲籌畫是以後之撥
解遙遙無期甘軍竟成缺望現歸甘省發餉者
實有一百四十餘營統計每月共需餉銀四十
餘萬兩加以督標舊存新募之兵月需糧餉及
製辦各項軍火所費貳屬不貲臣所部餉銀本

有專款然數月之久各處報解寥寥蘭州糧臺
每日供支原恃西路徵糧及漢中磴口等處採
買之糧以資敷衍乃西路及漢中軍米除撥濟
省外各軍省城分潤無幾而磴口採買之糧又
因費細路遙車馱缺乏必至二十餘日或月餘
始到一次不得已即在省城採買濟急每倉石
需銀二十七八兩不等省臺自 臣到任之日起

平定縣志卷二十一

二

截至九月十五日止僅收到湖北四川等省銀
十一萬餘兩秦臺尚未據稟報其數大約相埒
卽全數散給勇丁尙不及一月之數甘省回族
之繁巢穴之多非他省之匪可以合力兜剿者
比往往顧東則西警擊此則彼援現如彭楚漢
分駐平番等處之六營所以堵剿河狄及西甯
之賊出擾西路糧運也分駐金縣等處之七營

亦所以杜入省緊要隘口也獨全忠梅開泰之
十營甫經盡平米拉溝巨巢應防其回竄兼杜
西甯股匪竊發陶世貴之十二營則因甘涼南
山時有寇警一經滋蔓西道爲之不通且圍剿
肅州諸軍亦有後路之虞故設防不得不密王
仁和黃祖淦二十七營會同成祿圍攻肅州未
下兵力尙單至彭忠國之紮安定傳先宗之紮

平定縣志卷二十一

三

鞏昌甯遠陳德隆之紮通渭皆通狄河要徑其
餘駐軍地方皆因賊蹤出沒無常不能不以堵
爲剿以期逐漸進逼但因糧餉未裕不敢遽行
深入至甘省額賦銀糧自回逆倡亂徵收萬難
足數地丁則盡歸各屬支應軍需絲毫不能解
司糧則除發本省各營弁兵外分潤客軍不及
十分之一歲入釐金以路途時通時梗商賈未